

**BOSNA I HERCEGOVINA**  
**FEDERACIJA BOSNE I HERCEGOVINE**  
**ZENIČKO-DOBOJSKI KANTON**  
**KANTONALNO TUŽILAŠTVO ZENIČKO-DOBOJSKOG KANTONA**  
**Broj: T04 0 KT 0053951 23**  
**Datum: 15.06.2026. godine**

**OPĆINSKI SUD U TEŠNJU**  
**- sudiji za prethodno saslušanje -**  
**TEŠANJ**

Na osnovu člana 45. stav 2. tačke i) u vezi sa članom 241. stav 1. Zakon o krivičnom postupku, podižem

**OPTUŽNICU**

**Protiv:**

**E. K., ...;**

**što je:**

u vremenskom periodu od 15.10.2022. godine do kraja mjeseca decembra 2022. godine, u Tešnju, u namjeri da oduzimanjem tuđih pokretnih stvari sebi pribavi protupravnu imovinsku korist, došao do kuće vlasništvo B. F. koja se nalazi u mjestu ... na broju ..., zatim prišao zaštitnim predulaznim metalnim tzv. "giter" vratima koja je upotrebom fizičke snage i podesnog predmeta zapiranjem u predjelu mehanizma za zaključavanje predulaznih vrata - katanca ista nasilno otvorio, a zatim, na isti način, otvorio i PVC ulazna vrata usljed čega su nastala oštećenja dijela u predjelu štoka i krila ulaznih "PVC" vrata, nakon čega je ušao u unutrašnjost kuće te pristupio premetačini iste sa ciljem da oduzme pokretne stvari od vrijednosti pa je tako iz dnevnog boravka uzeo jedan televizor tipa "plazma" crne boje NN marke, dio garderobe, jednu električnu peglu za veš marke "...", jednu crvenu deku, zatim iz kuhinje jedan kombinovani frižider marke "...", sa dvoja vrata bijele boje, tip "...", serijskog broja ..., jedan set alata tzv. "...", NN marke koji se nalazio na tavanu kuće te jedan rezervni ključ od pmv. "...", i jednu lovačku kameru NN marke, svjestan da na ovaj način oduzima tuđe pokretne stvari i da time može nanijeti štetu drugom, što je i htio, pa je tako otuđene predmete odnio sa sobom, a dio otuđenih stvari ostavio na čuvanje kod H. Č. čime je vlasnika kuće B. F. oštetio za iznos od oko 2.000,00 (dvijehiljade) KM,

**dakle**, obijanjem i provaljivanjem, tuđu pokretnu stvar oduzeo drugome, s ciljem da njenim prisvajanjem pribavi sebi imovinsku korist,

**čime bi** počinio krivično djelo Teška krađa iz člana 287. stav 1. tačka a) Krivični zakon Federacije Bosne i Hercegovine ("Službene novine Federacije Bosne i Hercegovine", broj: 36/2003, ..., 31/2023 i 58/2025).